



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad  
Dominicam Septuagesimæ

**Haineuve, Julien**

**Coloniæ Agrippinæ, 1665**

Quò tibi veritates Evangelicæ minùs dignæ apparent, quæ considerentur;  
hoc ipso magis sunt considerandæ.

**urn:nbn:de:hbz:466:1-44194**

DOMINICA SEXTA  
POST EPIPHANIAM,  
NISI SIT SEPTUAGESIMA.

PARABOLÆ GRANI SINAPIS ET FER-  
MENTI, QUIBUS VERITATES EVANGE-  
LICÆ DESIGNANTUR.

*Simile est regnum cælorum grano sinapis, quod accipiens homo seminavit  
in agro suo, quod minimum quidem est omnibus seminibus,  
cum autem creverit, maius est omnibus  
oleribus, & fit arbor.*

*Simile est regnum cælorum fermento, quod acceptum mulier abscon-  
dit in farinae satis tribus, donec fermentatum  
est totum. Matth. 13.*

VERITAS PRACTICA.

Quò tibi veritates Evangelicæ minus dignæ ap-  
parent quæ considerentur, hoc ipso magis  
sunt considerandæ.

RATIO EST. Quia quò minus dignæ apparent  
Veritates Evangelicæ quæ considerentur, eo  
major indicatur depravatio tui Iudicii vel  
voluntatis.

Sed quò major est talis depravatio, hoc ipso tibi  
Veritates illæ sunt magis consideranda.

Ergo & quò etiam minus dignæ apparent quæ con-  
siderentur: Ac proinde statuendum est ali-  
quid certius de attendenda earum Consideratio-  
ne, qui est scopus utriusque parabolæ, in ho-  
dieo Evangelio proposita.

I P U N C T U M.

**R**EGNUM Cælorum, quod grano sinapis  
& fermento comparatur, prædicatio  
Evangelii est, & notitia scripturarum,  
quæ ducit ad vitam, & de qua dicitur  
ad Iudeos: Auferetur à vobis regnum Dei, &  
dabitur genti facienti fructus eius. Sic S. Hiero-  
nymus, & alii passim Interpretes.

Hanc verò prædicationem Evangelii, & no-  
titiã Scripturarum, nos hic brevius contrahi-  
mus in hæc duo verba, VERITATES EVAN-

GELICÆ, quales sunt præsertim illæ, quæ  
habentur Sermone Domini in monte habito:  
Beati pauperes spiritu, Beati mites, beati qui luge-  
rent, qui patiuntur propter Iustitiam, & quæ si-  
miles supra sensum naturalem, & humana Judi-  
cia recensentur.

Sunt illæ, scilicet Veritates, velur granum  
sinapis aut fermentum, quæ res in se cum sint  
exiguæ, in magnas tamen evadunt, & viros  
producent effectus. Sic planè nihil vilius aut  
abjectius humanis apparet sensibus, quàm illæ  
Propositiones seu Veritates Evangelicæ; quæ si  
tamen attentius considerentur, si credantur fir-  
mius, & in præxim revocentur constantius, ad-  
mirabiles in animis nostris producent fructus.  
Ne unquam igitur deterrearis primo earum  
aspectu ab ea consideratione & æstimatione,  
quam merentur, Imò quò tibi minus apparent di-  
gna quæ considerentur, hoc ipso magis consideran-  
da sunt.

Nam ut habet allata ratio, quò minus dignæ  
tibi apparent quæ considerentur, hoc ipso ma-  
gis indicatur esse depravatum tuum iudicium,  
vel voluntas. Cur sic enim minus dignæ appa-  
rent, nisi quia tu aliter sentis de rebus quas con-  
tinent, & aliter afficeris circa id quod persua-  
dent? Dicunt scilicet beatos pauperes, & mise-  
ros divites: Tu qui contra sentis, miseros esse  
pauperes, & beatos divites, statim reluctaris  
animo, & averteris ab illis considerandis, & æsti-

D d z mandis.

mandis, tamquam à falsis & inanibus, aut quæ omnem superent fidem. At nonne hoc indicat magnam depravationem tui iudicii & voluntatis, ut quæ in Evang. lio continentur, quæ ab ipsa Veritate & Sapientiâ pronunciantur, quæ ab universa recipiuntur Ecclesia, tu homunculus, nescio quis, statim atque de his audis, contrarium seras iudicium; & veritatem ipsam aut falsitatis condemnes, aut minus dignam iudices, de quâ melius intelligendâ inquiras attentius & cognoscas! O inolerandam hominis audaciam! O salutarem Christi, quondam loquentis admonitionem: *Nolite iudicare secundum faciem, sed iustum iudicium iudicate.* Hinc nempe depravatio iudicii, quando ex facie tantum seu apparentia iudicatur, sicut tu iudicas; hoc est enim iudicare secundum carnem, secundum concupiscentiam, secundum sensus naturales & humanos, qui ab objectis lenocinantibus quàm faciliè corrumpuntur, tam faciliè & ipsi corrumpunt iudicium animi & voluntatem. *Vos secundum carnem iudicatis, SPECIES decipit 96, & concupiscentia subvertit cor tuum.*

Ican. 9.

Ibid.  
Dan. 13.

## II. PUNCTUM.

*SED quo major est talis depravatio, hoc ipso veritates Evangelicae sunt tibi magis consideranda.*

Neque enim velles in hac pravitate iudicii persistere obstinatus & contumax: satis quippe intelligis quale illud animæ & salutis detrimentum foret, si non nisi depravato iudicio de tantis rebus sentires. Nam cum ex nostro iudicio nostri promaneant affectus, ex affectibus componantur actiones, & ex nostris actionibus tota vita dependeat; tota inde à Christo iudice iudicetur; quid sequeretur ex tali tuo iudicio depravato, nisi depravata vita? & ex tali vita quid, nisi pessima mors, & horrendum iudicium?

Hinc ergo emergere necesse est & tam aperto malo remedium inquirendum. Non est autem aliud præsentius cum divina grâtiâ, quàm ut has ipsas veritates attentius consideres expensis omnibus circumstantiis, quæ illas spectant, & quæ si diligenter expendantur, illas indubitatas ostendunt & certissimas. *Quia si cognovisses & tu, inquit, quæbat dicendo Christus Dominus; numo autem abscondita sunt ab oculis tuis; Quasi diceret, si serio tecum considerates, quæ tibi mala ventura sunt, profectò tu ea declinares, tu aliter de rebus iudicares, & loquereris; Nunc verò cum nolis*

Zam. 19.

advertere, nec te etiam malis eripies inde sequentibus.

Sic olim Moses: *Gens absque consilio est, & sine prudentia, utinam saperent & intelligerent, ac novissima providerent.* Sic Propheta Jeremias: *Deolatione desolata est omnis terra, quia nullus est qui recogitet corde.* Expendendum illud recogitet, & applicandum nostro argumento: nempe non semel cogitet, non ut primò apparet, non ut ex prima iudicatur specie seu apparentiâ; sed recogitet, id est reducat iterum ad suam mentem; Cogitet Quis Veritates Illas Evangelicas pronuntiavit! Quàm sancti, quàm omni fide digni sint, qui illas recipiant! quàm è contra impii & infidi qui se illis opponant! Sic Apostolus, *Recogitate eum:* Iterumque expendite, Quis ille sit qui loquatur, verbo & exemplo, quod vobis proponitur. Si enim recogiteris illum esse Christum, illum esse Deum, illum esse Veritatem infallibilem, qui nec falli potest nec fallere, quomodo non acquiescetis? Quomodo non magis illi credetis quàm mundo, quàm carni, quàm Dæmoni, qui sunt illi tantum oppositi? *Aut enim iste fallitur aut mundus errat, sed divinam falli impossibile est sapientiam.* Quæ supra fultus ex S. Bernardo tractata sunt, hic obiter verò ut videas, quod si attentè Veritates Evangelicæ perpendantur; depravatum de his iudicium corrigetur, atque idcirco etiam ut corrigatur, sic attentius esse perpendendas.

Deut. 32.

Ierm. 12.

Hebr. 12.

In nocte  
Nat. D.

Iob. 26.

## III. PUNCTUM.

*QVO tibi ergo Veritates Evangelicæ minus dignæ apparent quæ considerentur, hoc ipso magis consideranda sunt: Quia non nisi ex depravatione iudicii & affectus, minus dignæ apparent quæ considerentur; & non nisi ex majori & attentiori earum Veritatum consideratione, depravatio illa corrigi potest. Quamobrem quàm necesse est ut hæc corrigatur, tam necessaria omnino est illa major attentio, & attentior earum*

con-

32.  
12.  
37.  
consideratio. Attendite popule meus legem meam  
inclinate aurem vestram in verba oris mei. Ape-  
riam in parabolis os meum, loquar propositiones  
ab initio. Idcirco, ut ait Evangelista, in parabolis  
Christus loquebatur ad turbas, & sine parabolis  
non loquebatur eis: ut dum minus Ipse intelligen-  
retur, magis acuerentur animi Auditorum ad  
eum intelligendum, magis ipsi inquirerent, per-  
scrutarentur & omni modo investigarent, sicut  
& ipse admonerat, *Qui habet aures audiendi,*  
Math. 13. *audiat; & qui legit intelligat.*

Ibid. 24. Idcirco etiam Parabola & similitudo grani  
sinapis & fermenti assumitur, quia ut habet glos-  
sa interlinearis de sinapi, *quanto plus teritur,*  
*tanto plus redolet;* & fermentum non nisi multa  
manuum agitatione & operâ fermentatur: quæ  
sunt aperta Symbola nostræ mentis agitandæ, &  
multum verandæ circa illas Veritates, quæ non  
nisi diligenter, & attentè perpensæ, capiuntur.

12.  
Iob, 28. *Trahitur sapientia de oculis,* inquit beatus  
Iob, sed quomodo trahitur, nisi frequenti medi-  
tatione, desideris ardentibus, & incensis suspi-  
riis? Nulla via facilior ad intelligentiam rerum  
divinarum & spiritualium, sicut ille se expertum  
profiteretur qui dicebat, *Super omnes docentes me*  
Ps. 118. *intellexi, quia testimoniatu tua meditatio mea est.*  
Quod si laborem in meditando times, cogita  
illud esse pretium quo veritas emitur, juxta illud  
sapientis, *Veritatem eme, & noli vendere Sapien-*  
tiam. Nonne res tam pretiosa, tali digna est pre-  
tium? Adde, quod si semel Veritatum illarum in-  
telligentiam & amorem tibi comparaveris, nul-  
lus supererit in virtutum praxi labor, nulla mo-  
lestia, sed omnia tranquille fluent. Hoc tibi pol-  
licentem audi Dominum Deum tuum, & vide  
quid illi respondeas: *Hæc dicit Dominus Redem-*  
ptor tuus sanctus Israel, ego Dominus Deus tuus;  
If. 48. *docens te utilia, gubernans te in via quaambu-*  
*las, ut in omni attendisses mandata mea, facta fuisset*  
*quasi flumen pax tua, & iustitia tua sicut gur-*  
*ges maris.*

HUIUS affinis est illa Veritas quæ supra in hac  
parte, Feria sexta infra hebdomadam 2. post E-  
piphaniam declarata est:

Si quid nos revocat à doctrina Christi, vel ob id  
maximè recipienda est.

QUIA de Consideratione Veritatum oportet  
tunc hinc sermo est, opportuna hinc etiam esse

posset illa Veritas quæ supra refer-tur 29. De-  
cembris.

Sicut discursum nostri intellectus statim sequi  
debet affectus voluntatis: Ita & affectum  
effectus, seu executio.

QUOD magis in doctrina Christi refugi-  
mus, illud magis esset quærendum: seu, quod i-  
dem est, quod magis esset quærendum in do-  
ctrina Christi magis illud refugimus, quia nostri  
nobis placent morbi, neque his sanari volumus:  
unde satis hic apta & apposita proponi potest  
Veritas quæ habetur Feria 5. sequentis hujus  
hebdomadæ:

Quod gravius in te est malum, hoc minus vis  
curari.

CUM in minimis rebus Evangelica inclu-  
dantur Mysteria, certè rerum minimarum cura  
nobis commendatur, quò referri possunt hæ Ve-  
ritates:

In parvis, major est servi Dei fidelitas.

*Habetur infra, Feria sexta hujus sequentis heb-*  
*domadæ.*

Cura rerum minimarum, rem procurat omnium  
maximam.

*Declaratur Sabbato infra hebdomadam quar-*  
*tam post Pentecosten, in 3. parte.*

Nec magna bene, si parva male.

*In eadem 3. parte, Feria 5. infra hebdomadam o-*  
*ctavam, ubi hæc duo ipse parabola de grano si-*  
*napis & fermenti exponuntur.*

DE Humilitate generosa & magnifica, quæ  
his parabolis obvelatur.

Hæc est maximè laudabilis Humilitas, quæ sic  
laudes fugit, ut laudanda non omittat.

Nullus est dives, Humili quantumvis paupere,  
magnificentior.

*Habentur amba consequenter in eadem 3. parte,*  
*Feria tertia & quarta, infra hebdomadam*  
*duodecimam,*

*Quæ de Humilitate plures alibi: Vide verbo Hu-*  
*militas, & in 4. parte, Dominicam 16.*